



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ioannis Ioviani Pontani amorum libri II.

Pontano, Giovanni Gioviano

Venetiis, 1518

Tumulus Francisci puderici.

urn:nbn:de:hbz:466:1-13534

TVMVLORVM

A recessisq; Helicon, sitiat liquor Hippocrenes,
Nec tibi sunt arcus, nec tibi Phæbe coma.
Clamabat puer infelix, succurrite Musæ,
Ferte et aquas. o' me Castalis unda iuua,
Sed nec Castalides ueniunt ad uota vocitæ.
Nullus Castalio, nullus ab amne liquor.
Tabescit sensim frater, sua iuræ reliquit
Natura. O' te te frater amate sequor.
Quid frustra ad tumulu quereris Tomacelle, Leontas?
Nec tegit hic tumulus, nec cinis est reliquus.

FRANCISCI AELII. VIATOR
et Genius colloquuntur.

Quis iacet hoc tumulo? Nullus iacet, hunc sibi uiuus
Aelius, hanc statuit post sua fata domum.
Cur interq; herbas, interq; uirentia culta,
Quia nitet aurata Citria sylua coma? ut Cypria.
Hanc illi syluam Musæ, hos statuere recessus,
Quo post umbra suo gaudet in thalamo.
Quid, q; et Aßyrij spirant de marmore odores?
Quid, q; et Aßyrio nardus honore fragrat?
Illos aßyrijs Charites de collibus, hanc et
Detulit Aßyria gratia ab usq; plaga.
Hoc illi meritum Musæ post fata rependunt.
O' scriptor Latia nobilitate lyra.

FRANCISCI PVDERICI
ex nobilitate Neapolitana.

Quis sibi, quis tumulum uiuus parat, an' ne sepulcro,
Mortem dum metuit, dum citata fata, canet?

Franciscus tumulum statuit Pudericus, et ipsis
Consulit exequijs, et sibi busta parat.
Nec mortem timet, aut mortis mala, sed quod honorem
Deberi hunc cineri, funeribusq; putat.
Nam mortem uite pretium, finemq; laborum
Iudicat, et uite posterioris iter.
Sunt testes uite tumuli, finemq; fatentur
Esse quidem alterius, principium alterius.
Nunc urbem colit et Musas. post dona sepulcri,
Elysiumq; colet, Pieridasq; domos.

MARVLLI POETA E. PON=

tanus ipse loquitur.

Hoc uacuum tibi Pierides statuere sepulcrum,
Et Graia et Latia clare Marulle lyra.
Ipse etenim Aonia in sylua, atq; Heliconis in antris
Lætus agens, illic otia grata teris.
Illic formosæ ludunt ad plectra puellæ,
Et tecum ad choreas carmina lecta canunt.
Et tibi responsant syluae, Peneiadq; antra,
Plaudit et Ogygio roscida ripa lacu.
Nil præter nomen tumulo. per opacu uagaris
Culta, per Elysium docte Marulle nemus.
Hinc tibi se ad cantum adiungit formosa Corinna,
Cantat et ad calamos Delia culta tuos,
Illinc compositos exercet Cynthia saltus,
Exercet rarus Lesbia blanda choros.
Nec Parca eripuit, Musæ rapuere Marullum,
Arnidi ne fieret grata rapina deæ.